



KUERPO POLISIAL KÒRSOU

Telefòn: 866-6150 • 866-6152 • 866-6153 •

866-6154 • 866-6156 • 866-6158 •

Fax : 869-6639

E-mail: pr.polis@polis.cw

Wèpsait: www.polis.cw

Adrès: Winston Churchillweg z/n • Willemstad • Curaçao

KOMUNIKADO DI PRENSA

017 / 2017

19 yanüari 2017

Título: tiramentu ku morto

Djaweps 19 di yanüari 2017, alrededor di 02.35 or, Sentral di polis a dirigí un patruya na Lindberghweg, despues di a risibí informashon ku deskonosínan den un vehíkulo mester a los vários tiru dirigí riba un hòmber. E patruya ku a yega na e sitio a topa ku e hòmber víktima ku vários herida di bala rònt di su kurpa ku no tabata duna señal di bida.

For di un investigashon preliminar ku polis a realisá na e sitio a resultá, ku e víktima tabata para huntu ku mas persona ta kombersá. Diripiente vários suheto den un outo shinishi a kore yega i basha bala dirigí riba e víktima. Durante di e tiroteo aki un otro persona ku tabata huntu ku e víktima a risibí herida di bala na su brasa drechi. Presentenan a hiba e hòmber víktima K.G.R. di 19 aña di edat pa poliklínika di SEHOS pa tratamentu médiko. Un vehíkulo ku tabata para den e serkania tambe a haña dos perforashon di bala.

Dòkter di polis a konstatá morto di e hòmber **Edrich Kopra nasé na Kòrsou dia 26 di sèptèmber 1991** i riba òrdu di fiskal di Ministerio Públiko a konfiská e kurpa pa mas investigashon. Polis a konfiská tantu e vehíkulo di e víktima komo esun ku a haña perforashon di bala pa mas investigashon.

Kontinuando ku e investigashon, riba kaminda pa rotònde Zegu direkshon pa aeropuerto tabatin un SUV na kandela paresido na esun ku tabata envolví den e tiroteo, polis a konfiská e frèt pa mas investigashon.

E investigashon den e kaso aki ta kontinuá.

Nota pa redakshon – no pa publikashon

Pa mas informashon bo por tuma kontakto ku Departamentu di Komunikashon i Prevencion na e numbertan di telefòn ariba menshoná.

Orario: djaluna pa djabièrnè di 8.00 – 22.00 or’;

djasabra di 9.00 – 13.00 or’;

djadumingu di 18.00 – 22.00 or’.

Por yama durante di dia pa hasi entrevista i **despues di 22.00 or’** por tuma kontakto (ku Bosero i Hefe di Departamentu di Komunikashon i Prevencion) na number di telefòn 510-2715.